

FIPA Proglašen najveći Greenfield investitor za 2009.

Messeru priznanje za ulaganje

Njemačka kompanija već 13 godina ulaže kapital, tehnologiju i znanje u razvoj naše zemlje

Agencija za unapređenje stranih investicija u BiH (FIPA) upriličila je svečano-st dodjele priznanja najvećim stranim investitorima u nekoliko kategorija za 2009. godinu, javlja Fena.


S ulaganjima većim od 20 miliona eura, otvaranjem fabrike s najmodernijom tehnologijom i upošljavanjem većeg broja radnika, njemačka kompanija Messer Group proglašena je najvećim stranim investitorom u Greenfield kategoriji, odnosno u podizanju sasvim novog pogona na ledini.

Preko svoje kompanije Messer BH-Gas ova svjetski renomirana kompanija za proizvodnju i snabdijevanje pli-

novima djeluje punih 13 godina u BiH i konstantno ulaže kapital, tehnologiju i znanje u širenje razvojnog procesa u našoj zemlji.

Direktorica FIPA-e Jelica Grujić uručila je preksinoć nagradu generalnom menadžeru Messer BH-Gasa Valentinu Ilijevskom (Ilievski).

- Zahvaljujem FIPA-i u svoje i u ime kompanije na priznanju. Vrlo smo počastvovali što smo između mnogih kandidata stranih investitora baš mi ponijeli ovu laskavu nagradu. Mi smatramo da svako ulaganje u ovu zemlju ima smisla i da BiH zaslužuje progres. Nema bezizlaznih stanja i granica koje dobar menadžment i vrijedni zaposleni-



BiH: Svi Messerovi pogoni u BiH

ci ne mogu savladati - kazao je Ilijevski.

Kompanija Messer izgra-

dila je lani postrojenje za razlaganje zraka u Zenici i zaposlila 25 radnika.